

## PLAN DE CONTINXENCIA DA ESAD DE GALICIA

### Índice

1. INTRODUCION
2. ACTUACIÓNS PREVIAS DIANTE DA APARICIÓ DUN ABROCHO
3. ACTUACIÓNS PARA O PERÍODO DE ACTIVIDADE LECTIVA NON PRESENCIAL
4. MEDIDAS PARA O REINICO DA ACTIVIDADE LECTIVA PRESENCIAL
5. TELEFONOS DE INTERESE

## **1. INTRODUCCION**

O Plan de Continxencia da ESAD de Galicia ten por finalidade establecer os procesos para o reinicio da actividade académica presencial no caso de que se teña interrompido a suspensión da actividade lectiva como consecuencia da aparición dun abrocho que supoña o cese da actividade presencial nun aula/etapa educativa/centro.

## **2. ACTUACIÓNS PREVIAS DIANTE DA APARICIÓ DUN ABROCHO**

2.1. Non asistirán ao centro aqueles estudantes, docentes e outros profesionais que teñan síntomas compatibles con COVID-19, así como aqueles que se atopen en illamento por diagnóstico de COVID- 19, ou en período de corentena domiciliaria por ter contacto estreito con algunha persoa con síntomas ou diagnosticada de COVID-19.

2.2. Diante dun suposto no que unha persoa ou alumno/a da que se sospeita que comeza a desenvolver síntomas compatibles con COVID-19 no centro educativo, seguirase o presente plan de continxencia e levarase a un espazo separado de uso individual, e colocaráse unha máscara cirúrxica (tanto ao que iniciou síntomas como á persoa que quede ao seu coidado, se precisara dalgún tipo de coidados).

2.3. Débese chamar ao centro de saúde de Atención Primaria de referencia, ou ao teléfono de referencia do SERGAS e seguiranse as súas instrucións. En caso de presentar síntomas de gravidade ou dificultade respiratoria chamarase ao 061. O traballador/a que inicie síntomas debe abandonar o seu posto de traballo protexido por máscara, e logo seguir as instrucións do centro de saúde ata que a súa situación médica sexa valorada por un profesional sanitario.

2.4. No suposto da aparición dun caso, ou dunha sospeita, de coronavirus na ESAD de Galicia, tanto sexa do alumnado, profesorado ou persoal do centro, a persoa coordinadora do equipo formado na COVID-19 contactará coa Xefatura Territorial de Sanidade para comunicarllo. Será a propia Xefatura Territorial de Sanidade quen investigará os contactos que existan dentro do centro e os identificará, enviando a listaxe de contactos á Central de Seguimento de Contactos (CSC) quen se encargará da vixilancia evolutiva das persoas identificadas como contactos. Estas terán a consideración de contactos estreitos dun caso de Covid-19 e deberán estar en corentena no seu domicilio durante o período que sinala a xefatura de sanidade.

2.5. Tras a aparición dun caso diagnóstico da Covid 19 seguiranse as recomendacións da Xefatura Territorial de Sanidade, sendo posible que teña que estar illada unha parte do centro educativo (aula ou grupo de aulas) mantendo o funcionamento do resto da forma habitual en función do número de contactos identificados en cada abrocho.

2.6. A autoridade sanitaria, en coordinación coa Consellería de Educación determinará en cada caso o número de persoal e alumnado afectado e a duración das medidas de corentena o que se comunicará ao equipo COVID da ESAD de Galicia para a súa comunicación á comunidade educativa, sen prexuízo da información que sexa facilitada pola autoridade sanitaria.

2.7. A autoridade sanitaria, en función do número de contaxios, poderá ordenar o peche dunha ou varias aulas, dun nivel educativo ou do centro educativo na súa totalidade de conformidade con seguintes supostos:

- A aparición dun único caso confirmado nunha aula poderá supoñer a entrada en corentena da totalidade do grupo que conforma a aula e o do profesorado asignado a ese grupo.
- Cando exista unha detección de 3 casos positivos confirmados nos últimos 7 días poderase acordar a medida do peche do nivel educativo completo onde xurdira o abrocho ou, de ser o caso, da totalidade da ESAD de Galicia.

2.8. A aparición dun contaxio sospeitoso con posterior confirmación é un suposto de declaración obrigatoria que implicará por parte da autoridade sanitaria a obriga de entrada en corentena de polo menos 10 días a todas as persoas que teñan a consideración de contacto próximo.

2.9. A suspensión da actividade lectiva presencial suporá a aplicación das normas previstas no presente protocolo relativas ao ensino a distancia. Aos efectos de determinación do nivel de risco, a autoridade sanitaria poderá volver a avaliar o pase ao nivel de riscos NR 2 para os supostos de consideración de vulnerabilidade e de cualificación de persoal sensible.

### **3.ACTUACIÓNS PARA O PERIODO DE ACTIVIDADE LECTIVA NON PRESENCIAL**

3.1. O ensino non presencial será impartido polo profesorado ordinario do alumnado preferentemente a través da aula virtual do centro. O profesorado realizará o seguimento do alumnado impartindo os coñecementos da materia de xeito virtual a través dos contidos dispoñibles ben achegados polo propio profesor o ben os que poña a disposición a Consellería. Igualmente o/a profesor/a poderá poñer tarefas ao alumnado que reforcen co contido da materia ou a avaliación continua da mesma.

3.2. O equipo COVID da ESAD de Galicia identificará ao alumnado que teñan dificultades de conexión ou falla de equipamento para, coa colaboración necesaria da autoridade educativa, adoptar as medidas oportunas que minimicen as eventuais dificultades da educación realizada por medios telemáticos.

3.3. Para cada caso concreto de suspensión da actividade lectiva presencial a Consellería poderá adoptar as medidas oportunas en relación cos períodos ordinarios de avaliación do alumnado cando coincidan co tempo de suspensión.

3.4. Durante o período de suspensión da actividade presencial o centro educativo ten previstas as seguintes medidas:

- a) As clases desenvolveranse de xeito telemático utilizando a aula virtual.
- b) Realizaranse clases e titorías académicas por medio de videoconferencia.
- c) As titoras e titores de grupo farán un seguimento do alumnado para coñecer problemáticas que poidan acontecer e outras cuestión que poidan afectar o seguimento da docencia.

#### **4.MEDIDAS PARA O REINICIO DA ACTIVIDADE LECTIVA PRESENCIAL**

4.1. Finalizado o período de peche presencial da aula, nivel educativo ou centro realizarase un proceso de reactivación por fases para o reinicio da actividade lectiva. As fases establecidas para a reactivación son orientadoras, existindo a posibilidade de modificar tanto a súa duración como a porcentaxe dos alumnos incluídos en cada fase. O modelo a aplicar correspóndelle á Consellería de Educación co asesoramento da Consellería de Sanidade. Sen prexuízo das medidas xenéricas establecidas no protocolo aprobado polas consellerías de Educación e Sanidade o centro ten previsto as seguintes fases de reincorporación:

##### **Fase 1 . Adecuación dos espazos postos en coarentena e limpeza e desinfección xeral do centro.**

Duración: A duración será a estipulada polas autoridades académicas e sanitarias. Nesta primeira fase, previa ao reinicio da actividade, será o equipo COVID do centro quen estableza as actuacións a desenvolver, en colaboración coas autoridades sanitarias e educativas.

Obxectivos:

- i. Análise da situación por parte do equipo COVID e do Grupo de Seguimento do COVID, dos espazos comúns e as súas necesidades.
- ii. Análise das aulas teóricas e as súas necesidades.
- iii. Análise das aulas prácticas e das súas necesidades.
- iv. Análise da circulación das persoas polo centro e das súas necesidades.
- v. Análise das entradas e saídas e das súas necesidades.

##### **Fase 2. Formación de pequenos grupos.**

Duración: Será a estipulada polas autoridades académicas e sanitarias A porcentaxe de alumnos na aula de forma simultánea será a estipulada polas autoridades académicas e sanitarias

Obxectivos:

- i. Formar aos alumnos na importancia das medidas de distanciamento físico, utilización de máscara e de hixiene de mans.
- ii. Analizar co alumnado os posibles fallos no uso das aulas e dos espazos comúns, e procurando alternativas ás malas prácticas.
- iii. Reincorporarse a actividade lectiva presencial extremando as medidas de protección sanitaria.

##### **Fase 3 (Reforzo das medidas aprendidas en pequenos grupos)**

Duración: Será a estipulada polas autoridades académicas e sanitarias A porcentaxe de alumnos na aula de forma simultánea será a estipulada polas autoridades académicas e sanitarias.

Obxectivos:

- i. Seguir a formar aos alumnos na importancia das medidas de distanciamento físico, utilización de máscara e de hixiene de mans.

- ii. Tendo en conta que aumenta o número de alumnado na aula, seguir a analizar con este, os posibles fallos no uso das aulas e dos espazos comúns e procurar alternativas ás malas prácticas.
- iii. Pór en práctica as solucións encontradas no proceso de análise e discusión.
- iv. Reincorporarse a actividade lectiva presencial extremando as medidas de protección sanitaria.

#### **Fase 4. Fase de reactivación da actividade académica**

Duración: Por determinar polas autoridades académicas e sanitarias. Retorno a actividade presencial da totalidade do alumnado.

Obxectivos: Retomar a convivencia tendo presentes as medidas hixiénicas e de convivencia prescritas polas autoridades sanitarias e académicas.

#### **5. TELEFONOS DE INTERESE**

Centro Médico de referencia: Centro de Saúde San Paio de Navia, Vigo

Teléfono: 986821945.